

ILEQQUUSUMIK KOMMUNALBESTYRELSEP ATAATSIMIINNERA 28. AUGUST 2009 NAL.09.00

Peqataasut:	Jess Svane, Formand, (S) Palle Jeremiassen, (S) Jens Danielsen, (S) Bernhardt Olsen, (S) Leo Rosing, (S) Apollo Mathiassen, (S) Timotæus Petersen, (S) Kristian Jeremiassen, (S) Otto Jeremiassen, (S) Karl Kristian Kruse, (S)	Ole Zeeb, (K) Abel Karlsen, (K) Karl Markussen, (A) Naja Petersen, (A) Timooq Mølgaard, (A) Ane Lone Bagger, (D) Inger-Marie Rosing, (IA) Peter Olsen, (IA) Bendt Kristiansen, (IA) Edvard Kristiansen, (IA) Isak Hammond (IA)
--------------------	--	--

Imaqarniliortoq:	Henrik Rafn
Taaseqataasinnaanani	
peqataasoq:	Sigvard Hvidsteen, qullersaqarfik
Oqalutsit:	Johanne Nielsen, Jakob Fly.

Ingerlanneqarnera: Ilulissani + oqarasuaatikkut.

KOM	QULEQUTAQ	Tapil
09-1058	Nalunaarutit, aningaasaqarneq aamma uninngasuutit, juuli 2009	001
09-1059	Ineqarnermut naatsorsuutinik akuersineq, 2007 aamma 2008, Aasiaat	002
09-1060	Nalliuttorsiortunut, illoqarfiit nunaqarfiillu tapiissuteqarfiginissaannut toqqammavilersuutit akuerineqarneri	Soqan
09-1061	Utoqqalinersiutilinnut tunissuteqartarnermi toqqammavilersuutit akuerineqarneri	Soqan
09-1062	Ikummatissanut aatsitassarsiornermullu tunngassunut suleqatigiissitaliaq	Soqan
09-1063	Qattunerni isikkivigissuni aalakoornartutunnginnissamik inerteqqutitut siunnersuut	003
09-1064	Ammatitsisarnerup sivikillinissaanik qinnuteqaat, Qasigiannugit	004
09-1065	Sulinngiffeqarnissamik qinnuteqaat, Lars Erik Gabrielsen.	006

Ilisimatitsissutit, Apeqquteqaatit siunnersuutillu

Ilisimatitsissutit
Apeqquteqaatit
Ilaasortanit siunnersuutit

Aalajangiussaq:

Akuerineqarpoq, immikk.09-1065 ilanngullugu, sulinngiffeqarnissamik qinnuteqaat.

Kissaatigineqarpoq kommunalbestyrelsep 7.oktober ataatsimiinnissaa 5.oktober-imut nuunneqassapq, inuussutissarsiorneq pillugu isumasioqatigiinnissamut uiggiukkusullugu

Suliaq nr.	KOM 09-1058	Tapil.nr.a	001	Journal nr.	
Qulequtaq	Nalunaarutit, aningaasaqarneq aamma uninngasuutit, juuli 2009				

Suliap saqqummiunnera:

Qaasuitsup Kommuniani naatsorsuutini takuneqarsinnaavoq ingerlatsinermi sanaartornermilu 542,4 mio. Kr.-nik atuisoqarsimasoq missingersuutini aningaasaliunneqarsimasunit 918,4 mio. Kr.-init, procentinngorlugu 59,1 %. Naatsorsuutit takutippaat isertinneqarsimasut 564,8 mio. K-nit, isertitassatut naatsorsuutigineqartunit 970,1 mio. Kr.-init. Procentinngorlugu 58,8 %.

Aningaasartuutini erseqqissarneqassaaq, isumaginninnermi Namminersorlutik Oqartussaniit utertitasanit suli 17 mio. Kr.-init pineqanngimmata, taakkualu atuinnermi % 2-nik malunnartitsillutik. Atuineq iluamik ingerlassappat atuinerup qaammatini siullerni arfineq marlunni 58,5 %-miinniassaa pisussaagaluarpoq, taamaattumillu kommune ingerlatsinermi isertitanik aningaasartuutinillu ingerlaavartumik iluarsisariaqartassalluni.

Inertitanut tunngatillugu kommune akileraartarnermut pisorta qarfirmiit/KANUKOKA-miit nalunaarfigineqarqamperpoq, 2009-mut akileraarutinut isertitassat, missingersorneqarsimasut 420 mio. Kr.-nut. 12-riarlugit tunniunneqartussat, taamatut ingerlatiinnarneqassasut. Malittarisassat atuuttut malillugit akileraartarnermut pisorta qarfik pisinnaavoq akileraarutinut isertitassat ilasinnaallugit ilanngarsinnaallugilluunniit missingersuutini ilimagisat ukiup affaata siulliup malinngippagit.

2009-mi isertitassatut ilimagineqartut 420 mio. Kr.-nit 2008-mi isertitassatut naatsorsuutigineqartunut sanilliunneqarsinnaapput 360 mio. Kr.-nut aammalu uppersarlugu ukiumi 2008-mi akileraarutinut isertitassanut ilimagisatut ajornartorsiernerput. Kommunimit utaqqimaarneqarpoq 2008-mut akileraarnermut naatsorsuutit piareerneqarnissaat sept. Qeqqani pisussaq.

Qaasuitsup kommunia aammaarluni akileraarutinut nalimmassaavigineqarsimasoq ukiunut 2006/2007-nut – taanna naleqarpoq 28,2 mio. Kr.-nik. Akileraartarnermit pisorta qarfiup taamatut nalunaarnera toqqissisimangissutaasimavoq, taamatuttaaq eqqarsartaatsitsinnut pulatikkuminaassimavarput taamatut iluarsaaqattaarneq. Kisitsisut taakku 28,2 mio. Kr.-nit ilanngullugit maanna 78 nio- kr.-nit tungaanut akiliiseqqinneqarsimalluni 2005-miit 2007 ilanngullugu. Qinnuteqarsimavugut inerniliunneqarsimasunik aammalu paasissutissanik taamatut pissutsinut akuersissutaasinnaasunik, - Namminersorlutik Oqartussanit taakku aningaasat akilertinneqartinnagit. Qaasuistup kommunia ajornartorsiulissaaq aammalu missingersuutinit aningaasat taakku nalinginik siunissami missingersuutissanut sipaarniuteqartussanngussalluni. Soorunami kommunip akileraarnermut inissisimanera annertunermik eqqartorneqassaaq aningaasaqarnermut naalakkersuisoq Palle Christiansen, naalakkersuisoqarfiup pisortaa aamma akileraarnermut pisorta q ulloq 8 septembari Ilulissanut tikeraarpat.

Inerniliinerni kontot (konto 9) ajoraluartumik pitsaasumik ingerlanngillat. Inuttaasut akiitsui 20 mio. Kr. tungaanut qaffassimapput, taamaalillutik innuttaasut akiitsui 250 mio. Kr. tungaanut inissisimalersimalutik. Kommunimi missingersuusiordermi naatsorsuutigineqarsimavoq inuttaasut akiitsuisa 13 mio. Kr.-nik ilanissaat.

Soorunami kommunip aningaasatigut inissisimanera akiitsut qaffannerannik kommunip akiligassaanik sunnerneqarsimavoq. Siornatigut eqqaaneqareersutit isumaginninnermi utertitassat ilanngullugit maanna uninngasuutini tigussaasuni aningaasaqarneq 30 mio. Kr. tungaanut artukkerneqarsimavoq Kommunip KANUKOKA-mut aamma ilaqutariinnermut pisorta qarfirmut saaffiginnissimavoq isumaginninnermi utertitassat utertinniarnersa malittarisassat ajornakusoornerujussuat pillugu, kinguneqanngitsumillu. Kommune sapaatip akunnerini tulluuttuni akileraartarnermi pisorta qarfirmut saaffiginnissaaq akilinnngitsuuqqat pillugit paasissutissanik pinarluni.

Quppernemi tulluuttuni atuinnermi nalunaarsuutit konto-ni annerni takuneqarsinnaapput. Septembarimi n2009-mut missingersuutininik iluarsaaneq ingerlanneqartussaavoq paasiniakkat naatsorsuutigineqartullu tunngavigalugit.

Nalunaarusiortoqarsimavoq 2. agusti. Ataani takuneqarsinnaapput missingersuutini akisussaasut naatsumik nassuiaataat missingersuutitut sanilliullugu qanoq atuisoqarsimaneramik. Oqaatigineqassaaq balance suli qaammammoortunik namminersorerullutik oqartussanit utertittakkanut iluarsineqanngimmat. Tamanna aatsaat pissaaq qaammatip 5-6-ani.

Missingersuutini kisitsisit maanna kommunalbestyrelsip maaji 2009 aalajangiinera malillugu missingersuutit iluarsaannerat 1-mut iluarsineqarsimavoq. Kisiannili qaammatini tulliuuttuni ingerlaavartumik iluarsineqartassallutik immikkoortortanut/pisortaqatigiit missingersuutitut kisitsisaannut, kommunalbestyrelsimit akuersissutigineqarsimasunit kisitsisinut 4-nut, kisianni allaffiit ataasiakkaat suleriaasiannut naleqqussarlugit. Uani maluginiarneqassaaq Aasianni aamma Upernavimmi INIA/S-mut nuussisimaneq, taamaalillunilu missingersuutini iluarsaaneq 2-mut akissarsiat aningaasartuutillu nalimmassarneqassallutik.

Siorngatigut nalunaarusiornertut naleqqiullugu Pisortaqatigiit aalajangersimapput immikkoortortanit bilagit ilanngunneqartalissasut, isertitat aamma aningaasartuutit, uninngasuutini akilerneqarsimasut, kisiannili suli ingerlatsineri naatsorsuutitut ilanngunneqarsimangitsut. Paasisutissat pisariaqartuupput kommunip uninngasuutaanut naleqqiullugit, kisiannili takussutissaallutik immikkoortortat ataasiakkaat eqqortumik tunniussisarnissaannut kontolersuisarnissaannullu suliakkiutaallutik, taamaalillutik naatsorsuutitut iluamik ikkunneqarsimallutik akiligassaqarfinnut akiliisoqartinnagu.

Tamakku pissutsit iluarsineqassapput 2009-mi aningaasartuutitut/isertitanut aqutsisoqarfik qitiusumut nuunneqarpat. Taamatuttaaq ingerlapput inernilersuinermit kontit. Immikkoortortat qinnuigineqarsimapput, pissutsit taakku marluk piaartumik iluarseqqullugit, taamaalilluni kommune aningaasatigut inissisimani pingaarutilimmi ullutsinnut naleqquttumik ingerlalnassamat

Konto	suunera	B-2009	nalimmassaa	Nutaaq 2009	Atuineq	I %
1	Allaffisorneq	173.595	-15.027	158.568	99.577	62,8
2	Teknikkeqarneq	61.167	-1.000	60.167	31.815	52,9
3	Suliffissaqartitsiniarneq	50.540	-6.334	44.206	27.242	61,6
4	Isumaginninneq	228.784	-9.700	219.084	142.564	65,1
5	Kulturi aamma atuartitaaneq	370.962	-12.500	358.462	200.093	55,8
6	Pilersuineq	15.324	0	15.324	6.987	45,6
Katillugit	ingerlatsineri aningaasartu	900.372	-44.561	855.811	508.278	59,4
7	pilersuineq	72.337	-9.710	62.627	34.161	54,5
Katillugit	Ingerlatsineq pilersuinerlu	972.709	-54.271	918.438	542.439	59,1
8	Isertitat	-975.418	5.337	-970.081	-564.779	58,2
Katillugit	Inernera	-2.709	-48.934	-1.888.519	-22.340	1,2

Konto 1.

Konto	suunera	B-2009	nalimmassaa	Nutaaq 2009	Atuineq	I %
10	Qinikkat	15.486	0	15.486	10.347	66,8
11	Allaffisorneq	143.806	-21.217	122.589	76.755	62,6
12	Kantinamik ingerlatsineq	1.460	0	1.460	774	53,0
13	IT	4.013	5.200	9.213	5.243	56,9
18	Allaffiit akimorlugit suleqatit	8.830	990	9.820	4.621	47,1
Interim	Akilikkat nalunaarsorneqanngit				1.837	
Katillugit	Administration	173.595	-15.027	158.568	99.577	62,8

Konto 10 missingersuutit iluarsaaneqarneranut 2-mut aaqqinneqassaaq, missingersuutini akuerineqarsimasuni nunaqarfinni aqutsisunut maajip aallaqqaataata kingorna akissarsiat ilanngunneqarsimannngimata. 3,5 mio. Kr.-nit ukiup 2009 sinneranut nunaqarfimmi aqutsisut aningaasarsiaannut ilanngunneqartussaapput. Konto 11 pissusissamisut ingerlavoq. Eqqarsaatigineqassaaq ingerlatsineri pilersaarut nutaaq suli ingerlanneqarmat, taassuma ataani eqqarsaatigineqassaaq, Upernavimmi Aasiannilu sulisut ilaat INI A/S-mut nuuttussaammata INI-mit inissiat taakkunani illoqarfimmi tiguneqarneranut atatillugu

konto 18 eqqarsaatigalugu naatsorsuutigineqassaaq 800.000,- sipaartaanissaat, Kanukokamut 2009 akilerneqareersimammat.

Konto 2.

Konto	suunera	B-2009	nalimmassaa	Nutaaq 2009	Atuineq	I %
20	Aqquserngit ikaartarfiit tumme	10.478	0	10.478	6.422	61,3
21	Aputaajaaneq eqqiaaneq	6.441	0	6.441	3.193	49,6
22	Pisuussutit uumassusillit	1.476	0	1.476	783	53,0
23	Kommunimi suliffeqarfiit	8.937	0	8.937	4.960	55,5
25	Qatserisartoqarneq	15.394	-1.000	14.394	7.804	54,2
27	Teknikkeqarnermi suliffeqarfiit	18.441	0	18.441	8.659	47,0
Interim	Akilikkat nalunaarsorneqanngit				-6	
Katillugit	Teknikkikkut ingerlatsineq	61.167	-1.000	60.167	31.815	52,9

Immikkoortuni tamani pissusissamisut ingerlapput, konto 27-mi atuineq minnerulaasinnaavoq ukiup naajartorerani, aqqusineramik asfalternermi isertitat borgførerneqartussammata.

Konto 3.

Konto	suunera	B-2009	nalimmassaa	Nutaaq 2009	Atuineq	I %
34	Suliffissaqartitsiniarneq	11.551	-1.000	10.551	4.491	42,6
35	Sungiusaaqqinneq	7.628	0	7.628	3.705	48,6
36	inuussutissarsiornermi illuutit	232	0	232	171	73,7
37	inussutissarsiornermi siuarsaa	6.235	1.666	7.901	5.495	69,5
38	Piareersarfiit	24.894	-7.000	17.894	12.987	72,6
Interim	Akilikkat nalunaarsorneqanngit				393	
Katillugit	Suliffissaqartitsiniarnermi	50.540	-6.334	44.206	27.242	61,6

Konto 38 missingersuutit iluarsakkat eqqarsaatigalugit, atuinera annertuallaarpoq. Kontomi suliffissaqartitsiniarnermi aningaasartuutit annertullutik, tassani missingersuutigineqartnu 13 mio. Kr.-ni 10 atoreersimallutik. Naatsorsuutigineqassaaq missingersuutininik iluarsaaneq 2-mi aningaasartuutissat ilaneqarnissaat, taamaalilluni inatsisitigut piumasaqaatit suliffeqannginnermi aningaasartuutit iluarsissallutik.. konto 38-mi siparniutigineqarsimapput 7 mio. Kr. kisiannili eqqarsaatigineqarsimamani 2008-miit 2009-mut konto 5-miit akuersissutinik nuussuisimaneq. Tanna missingersuutit iluarsaanne-ranut 2-mut iluarsissaaq kontot 37-mi suli piffinni inussutissarsiornermut siursaanernut aningaasaler-suisoqarpoq, tassa Destination avannaanit kommunit inuussutissarsiutinut siursaanera tigusinammagu. Tamanna piffinnut tamanut nalunaarutigineqassaaq. Ingerlatsineri isumaqatigiissutit saniatigut taamaallaat Uummannami amutsiviup ingerlanneqarnera aningaasartuutaavoq. Tamanna 2010-mit konto 27 nuunneqassappat pissusissamisuisuussaaq.

Konto 4.

Konto	suunera	B-2009	nalimmassaa	Nutaaq 2009	Atuineq	I %
40	Inissat akeqanngitsut	468	0	468	188	40,2
41	Ikiorssiissutit	43.338	-2.000	41.338	25.742	62,3
43	Siusinaartumik pensionit	25.573	0	25.573	16.206	63,4
44	Meeqqanut akilersuutit	192		192	558	290,6
45	Pisortatigut ikiorssiissutit	24.645	-1.300	23.345	16.964	72,7
46	isumaginninnermi aningaasar-tuutit allat	14.499		14.499	9.626	66,4
47	utoqqarnik isumaginninneq	114.582	-6.400	108.182	54.590	50,5
48	Innarluutilinnut immikkoortoq	3.652		3.652	15.589	426,9
49	Isumaginninnermi aningaasar-tuutit allat	1.835	0	1.835	750	40,9
Interim	Akilikkat nalunaarsorneqanngit				2.351	
Katillugit	Isumaginnineq	228.784	-9.700	219.084	142.564	65,1

Konto Namminersorlutik Oqartussaniit utertitassanik sunnerneqarsimavoq, oqaaseqaatit takukkit, annertunerusumik innarluutilinnut immikkoortorta q sunnerneqarsimalluni, kisiannili aamma pensioninit. Tamakkiisumik kontit tamarmik pissusissamisut ingerlanissaat naatsorsuutigineqarpoq, kisiannili konto 45 sillimaffiginessalluni, suliffissaaleqinermik sunnerneqarataarnissaa. Tamanna ataatsimiititaliamit malinnaaffigineqassaaq. Atuinerlu annertunerussappat, kontonik nikisiterinermi maluunniit ilassutissanik akuersissutinik kommunalbestyrelsimut suliassanngortitsinikkut.

Konto 5.

Konto	suunera	B-2009	nalimmassaa	Nutaaq 2009	Atuineq	I %
50	Meeqqeriviit	78.046	-2.000	76.046	37.576	49,4
51	Atuatitaaneq	240.677	-9.000	231.677	134.496	58,1
53	Sunngiffimmi sammisasaqarti	34.761	-3.000	31.761	18.017	56,7
55	Atuakkanik atorniartarfik	3.098	0	3.098	1.322	42,7
56	Katersugaasiviit	5.576	-500	5.076	3.568	70,3
59	Sunngiff, aamma kultur tapiiss	8.804	2.000	10.804	5.891	54,5
Interim	Akilikkat nalunaarsorneqanngit				-777	
Katillugit	Kulturi aamma atuartitaaneq	370.962	-12.500	358.462	200.093	55,8

Kontot tamarmik konto 56 kisimi pinnani pissusissamittut ingerlapput. Katersugaasiviit missingersuutit malillugit atuinerunermut sanioqqutisisimanermut nalunaarusioqquneqarput, taakkulu aningaasaqarnermut ataatsimiititaliamut saqqummiunneqassapput. Konto 59 missingersuutinik iluarsaaneq 2-mi 2 mio. Kr.-nik ilaneqassaaq, aningaasat taakku pisariaqartinneqartutut isikkoqanngillat, siunnesuutigineqassallunilu missingersuutit iluarsaanneranni 2-mi siunertanut tapiissutitut, ilaatigut pitasaasumik sipaarutissatut

Konto 6.

Konto	suunera	B-2009	nalimmassaa	Nutaaq 2009	Atuineq	I %
66	Anartarfeqarnek Eqqaaveqar	7.840	0	7.840	1.596	20,4
68	pilersuineq	7.484	0	7.484	4.689	62,7
Interim	Akilikkat nalunaarsorneqanngit				702	
katillugit	Pilersuineq	15.324	0	15.324	6.987	45,6

Konto 66-mi akissarsiat suli bogfrernerneqanngillat, aammalu konot 68-mi nikisiterinissat ilaat, ataatsimut isigalugu pitsaasumik ingerlavoq.

Konto 7.

Konto	suunera	B-2009	nalimmassaa	Nutaaq 2009	Atuineq	I %
70	Ineqarnek	19.112	-2.640	16.472	10.601	64,4
71	Allaffissornek	1.900	0	1.900	425	22,4
72	Teknikkeqarnek	27.468	-6.450	21.018	6.036	28,7
73	Suliffissaqartitsiniarneq	185	0	185	0	0,0
74	Isumaginnineq	9.727	-1.105	8.622	6.598	76,5
75	Kulturi aamma atuartitaaneq	5.265	1.585	6.850	708	10,3
76	Pilersuineq	600	-600	0	75	#####
77	nunagissaaneq	8.080	-500	7.580	9.718	128,2
Interim	Akilikkat nalunaarsorneqanngit					
Katillugit	sanaartornermi immikkoort	72.337	-9.710	62.627	34.161	54,5

Konto 7 atuinermi pissusissamisut ingerlavoq, eqqarsaatigissanngikkaanni nunagissaanermi konto atuinerusimalluni. Tamanna pissuteqarpoq A30-mi kisitsisit eqqortut ikussuussimanngineri. Ilanngullugulu puorneqarsimalluni A26ip inerneqarnerani aningaasartuutit, konot 7-mi nikisiterineqassaaq, asfaterinermi atuinerusimanermi kisitsisit pigineqalerpata konto 72-miit 77-mut nuussisoqarsinnaavoq.

Ataatsimut isigalugu atuisimaneq 54,5 pitsaasuvoq.

Konto 8.

Konto	suunera	B-2009	nalimmassaa	Nutaaq 2009	Atuineq	I %
80	akileraarnermi isertitat	-420.631	631	-420.000	-210.423	50,1
81	Suliffeqarfiit akileraarutaat	-7.985	0	-7.985	0	0,0
83	Tapiissutit nalimmassaatillu	-521.505	-2.650	-524.155	-351.018	67,0
85	Erniat isertitallu	-20.346	7.356	-12.990	-2.726	21,0
86	Isertitat allat	-9.420	0	-9.420	-568	6,0
88	Isumakkeerinerit	4.469	0	4.469	-44	-1,0
katillugit	Isertitanut immikkoortortaqaq	-975.418	5.337	-970.081	-564.779	58,2

Isertitat missingersuutininut malinnaapput, kisianni ernianik isertitat kinguaqqallutik, INI A/S attavigineqarsimavoq isertitassanik amigaatit sumik tunngaveqarnersut paasiniallugit. Nunagissaanermi isertitassat maanna Ilulissani A30 naammassimmat takussuutilerput.

Konto 9.

Konto	Oqaasertai	Allartinnerani	Killiffik	Nikingassut
9001	Tigoriaannaatit 5. aug. 2009		-33.260	-33.260
91xx	Akiitsut ineriartorneri 30. juli 2009		18.663	18.663
91xx	Akileraaruseriff. akiitsut		28.229	28.229
9302	Kommunip inissian.attartor. 2009 naaner		6.700	6.700
9601	Tekniskmellem - Boligomr. 2009 sioqqul		4.000	4.000
9601	Tekniskmellem - Boligomr. 2009 naaner			
9603	Namminersorner. akiitsut		50.000	50.000
9703	Atukkat akilersorneri 2009 naaner		7.500	7.500
9	Innarluutilinniit utertitassat		-16.500	-16.500
9	Ilinniartitaanermut attuumass. utertitassat		-6.643	-6.643
9	Sanaartornermut attuumass. utertitassat			0
9	Utertitassat allat			0

Immikkoortup aallartinnerani nalunaarutigineqarput nikingassutit annertusussaat.

Immikkoortortaqaqfiit allaffeqarfiillu tamarmik peqquneqarsimapput inatsisitigut piumasaqaataanngit-sumut aningaasartuuteqaqqunagit, 2008-mut naatsorsuutit pigineqalersinnagit, kiisalu akileraarnermut pisortaqarfimmiit akiligassatut tunniunneqartut paasineqaqqaartinnagit. Ilanngullugu erseqqissaatigineqassaaq, akissarsianut tunngatillugu suli nikisiterineqartussaammat, aammalu nunaqarfiit missingersuutaannut tunngatillugu erseqqissaasoqassammat. Tamakku aggustip ingerlanerani iluarsineqassapput, ajoraluartunik suliassamut suli ullummikkumut nukissaqartoqanngimmat, sulisut qitiusumik inissimasat sulianut allanut atorneqarneri pissutaalluni, takukkit aallaqqaasiutit sulissat pisariaqartumik siumut ingerlasut

Inassuteqaat

Aningaasaqarnermut ataatsimiittitaliap kommunalbestyrelsemut inassutigaa, ilisimatitsissut tusaatissatut figuneqassasoq.

Tapiliussat:

1. Nalimmassaatit.
2. Akiitsut pillugit takussutissiaq.

Aalajangiussaq:

Tusaatissatut figuneqarpoq.

Kommunalbestyrelsep ernummatiginerarpaa akileraarutitigut akiliitsiniarnikkullu takussutis-

sanik amigaateqarneq. Paasiniaanermi kommunit kattuffiat akuliutsinneqassaaq.

Suliaq nr.	KOM 09-1059	Tapil.nr.a	002	Journal nr.	
Qulequtaq	Ineqarnermut naatsorsuutini akuersineq, 2007 aamma 2008, Aasiaat.				

Suliap saqqummiunnera:

Namminersornerullutik Oqartussat nalunaarutaat, namminersornerullutik oqartussat aamma kommunit inissiaataanni allaffissorneq, ingerlatsineq, aammalu ineqarnermut akiliutit aalajangerneqartarnerat pillugu nalunaarut, nr. 26. 27. septembari 2007-meersut tunngavigalugit missingersuutitut naatsorsuuti- nullu malittarisarsiortoqarsimavoq.

Allaffeqarfimmiit suliarineqarsimapput ukiunut 2007 aamma 2008 naatsorsuutit inissiani immikkoortu- ni sisamani Aasianni inissisimasuni, ukuusut:

- Illut ataasiakkaat affarleriit
- immikkoortoq 1 – Qorlortunnguaq
- immikkoortoq 2 – Aadarujuup Aqquserna
- inuusuttunut inissiat.

Ukiunut naatsorsuutit suliarineqarsimapput qulaani taaneqartut nalunaarutit tunngavigalugit imaqa- lutillu immikkoortortanut paasissutissanik, naatsorsuutitut oqaaseqaatinik, nalunaarutit, naatsorsuusior- nerni ileqqut, inerniliineq, balance, naggataarutaasumillu oqaaseqaatit.

Pisortaqatigiit maluginiarpaat, kommunip naatsorsuuserisuisa siorngatigut Aasianni Kommunip ineqar- nermit ingerlatsinera pillugu oqaaseqaateqarsimasut. Oqaaseqaatit ilanngunneqarput, paasissutissat, kommunalbestyrelsillu inissianik ingerlatsinermut INI A/S-mut tunniussiniarnerannik tunngavilersuillu- ni, taamaalilluni pitsaasumik pissusissamisoorumillu aserfallatsaaliinermi ingerlatsisoqarniassamat, piffissaq eqqorlugu aammalu naatsorsuutit eqqortut immikkoortortani tamani ingerlanneqalissallutik.

Inassuteqaat:

Aningaasaqarnermut ataatsimiittitaliap kommunalbestyrelsimut inassutigineqassaaq ukiunut 2007 aamma 2008 immikkoortortanut sisamanut Aasianni Naatsorsuutit akuersissutigeqqullugit naatsorsuuserisunullu ingerlateqqullugit.

Tapiliussat:

1. Ukiunut 2007 aamma 2008 immikkoortortanut sisamanut Aasianni Naatsorsuutit.
2. BDO/KR-imiit allakkiaq.

Aalajangiussaq:

Inassutigineqarneratut akuerineqarpoq.

Suliaq nr.	KOM 09-1060	Tapil.nr.a	Soqanngilaq	Journal nr.	
Qulequtaq	Nalliuttorsiortunut, illoqarfiit nunaqarfiillu tapiissuteqarfiginissaannut toqqammavilersuutit akuerineqarneri				

Suliap saqqummiunnera:

Ukiup uuma ingerlanerani illoqarfiit nunaqarfiillu arlaqartut nalliuttorsiornissaminnut atatillugu qinnuteqaataat tiguneqartarsimapput, aamma ilaalluni immikkorluinnaq ilagiit sinniiseqarnerannut atatillugu nunaqarfimmiik qinnuteqaat. Politikeriniit kissaatigineqarluni piumasarineqarpoq nalliuttorsiornernut atatillugu assigiimmik toqqammavilersuusiortoqarnissaa.

Qulaani pineqartunut toqqammavilersuusiassaq suliatus immikkoortunut marlunnut avillugu suliarisariaqarpoq. Soorunami kommunemiit illoqarfiit arfineq pingasuusut nunaqarfiillu 32-it nalliuttorsiornerni tapiiffigisariaqarpai, qulakkiikkamik piffissaqarluarluni naatsorsuutaasinnaasut. Siunnersuutigineqassaaq siunertamut tamatumunnga periuseq una eqqunneqassasoq:

Tapiissutinik qinnuteqaat ilaqartinneqassaaq missingersuutinik aqqissuunniakkamullu ingerlanniakkamut nassuiaat. Kr.10.000.- sinnerlugit tapiissuteqarnermi kingorna kommunemut nalliuttorsiornernut aqqissuussinermi naatsorsuutit nassiunneqassapput.

Kommunep ingerlataasa nalliuttorsiortarnerinut atatillugu ataatsimoorussamik aningaasartuutitut kontolortoqassasoq tapiiffiusinnaasumik (ass.kr.300.000.) Tassani ilaassapput illoqarfiit/nunaqarfiit nalliutoorsiorneri, immikkoortortaqarfiit siumungaaq piffissaangallartillugu qinnuteqarfigisinnaasaat (ajornanngippat missingersuusiornissaaq sioqqullugu) kontomit tassannga tapiisoqassatillugu. Tapiissutit kr.10.000.- killingalugit allaffissornikkut tapiisoqarsinnaavoq – annertunerusut aningaasaqarnermut ataatsimiittitaliamit akuerineqassapput. Nalliutoorsiornerinut taamaallaat nalliuttorsiornernit 25-mik agguarsinnaasut naatsorsuutigineqassapput.

Kommunemut attuumassuteqanngitsut nalliuttorsiornernut atatillugu qinnuteqaatit immikkuullarissut Kultureqarnermut Ilinniartitaanermullu Ataatsimiittitaliaq aqutugalugu innersuussisoqartassooq, taak-kunani aalajangiisoqarsinnaalluni konto 59 atorlugu qinnuteqaatigisamut tapiisoqarsinnaanersoq. Ataatsimiittitaliaq aqutugalugu toqqammavilersuutissanik aalajangersaasoqassaaq assigiimmik qinnuteqaatinik kultureqarnermut siunertaqartunik tapiisoqassatillugu suliarinnittarnissamut.

Inassuteqaat

Kommunalbestyrelse qinnuvigineqarpoq siunnersuummut kommunep ingerlataanut immikkoortorfiillu nalliuttorsiornerninut akuerseqqullugu. Ilanngullugu kommunalbestyrelse qinnuvigineqarpoq BKU-mut noqqaassuteqaqqullugu avataani nalliuttorsiorlutik qinnuteqartunut naligiimmik toqqammavilersuusiornissamut suliaqaqqullugu, taakku tamarmik 2010-miit atuutlissapput.

Tapiliussat:

Tapiliussaqaanngilaq.

Aalajangiussaq:

Inassutigineqarneratut akuerineqarpoq.

Suliaq nr.	KOM 09-1061	Tapil.nr.a	Soqanngilaq	Journal nr.	
Qulequtaq	Toqqammavilersuusianik akuersineq, utoqqalinersiutilinnut tunissuteqartarnek.				

Suliap saqqummiunnera:

Politikerit tungaanniit siunnersuuteqartoqarpoq kommuneqarfimmi nutaami kommunemi innuttaasut 70-liineranni kingornalu tallimakkuutaanik akunnilerlugit aningaasanik tunissutinilluunniit tunniussisarnisamat assigiimmik toqqammavilersuusiortoqassasoq.

Allattoqarfimmiit kommunetoqqat arfineq pingasuusut periusitoqaat misissuiffigineqarsimavoq:

- QAA – Tunissuteqartoqartanngilaq.
- UPE – Ulluinnarsiutinik koori immerlugu tunissutigineqartarpoq kaffillertoqarlunilu.
- UMM – Tunissuteqartoqartanngilaq.
- ILU – 500,- inummut ataatsimut.
- QEQ – 60-liisuniik 500,-. 80-liisuniik. 1.000,-.
- QAS – Tunissut 150 – 200,-nik nalilik.
- KAN – Allagaq pilluaqqussut.
- AAS – Tunissuteqartoqartanngilaq.

Kommunemut tamarmut 2009-mi innuttaasut 208-t pineqarput 70-liisut ukioqqortusisullu ukiunik tallimanik akunnilerlugit, taakku kommunemiit tunissuteqarfigineqarsinnaapput. Aamma taamatut ukiup tullissaanut ilimagisariaqarput. Innuttaasumut 70-liisumut assersuutigalugu kr.500.- tunniunneqartarpat ukiunik tallimanik akuppertarlugu (70-75-80-85 il.il.) ukiumut aningaasartuutit kr.100.000.-ussapput.

Inassuteqaat

Immikkoortumut allaffissornermiit inassuteqaasiortoqanngilaq. Kommunalbestyrelsep eqqartuiffigalugulu aalajangiiffigisariaqarparaa akunnaatsuliinerit assigiimmik tunissuteqarfigisarniarnerlugit taamaattoqassappallu qassinik ukioqalernermiit, qanutut ilusilerlugu aammalu qanoq annertutigisumik tunissuteqartarnissaq oqaatigisariaqarpoq.

Tapiliussat:

Tapiliussaqaanngilaq.

Aalajangiussaq:

Taasinerit 12-lit (S-KP-D) akerliusut, 8-t (A-IA) akerliusut, siunnersuut ataatsimiittitaliamit ataavartumut suliassanngortinniissaa itigartitsissutigineqarpoq.

Taasinerit 12-lit (S-KP-) aalajangiunneqarpoq inuit 70-liisuniit allagartamik kr.500.-nik aningaasartalerlugit, ukiut tallimakkuutaartumik tunineqartalissatut.

Taasinerit 9-t (IA-D) akerliusut, siunnersuut 70-liisuniik allagartamik, kiisalu 85-leereernermi 100.-mik ilallugit nassitsisarnissaq itigartinneqarpoq.

Suliaq nr.	KOM 09-1062	Tapil.nr.a	Soqanngilaq.	Journal nr.	
Qulequtaq	Ikummatissanut aatsitassarsiornermullu tunngassunut suleqatigiissitaliaq.				

Suliap saqqummiunnera:

Kommunalbestyrelse ukiumi uani siusinnerusukkut aalajanerpoq, suleqatigiissitanik kommunimi aatitassarsiornermut ikummatissanillu ujaasinermut suliniutit nukittorsarneqarnissaa pillugu aallartitsiniarluni. Suleqatigiissitat kommunimi suliniutit ersarissassavaat, aammalu ujaasinerit ingerlanneqartut siunissamilu ujaasinnisani nunaqavissunik sapinngisamik ilaaffigineqarnissaat pillugu suliniutit qulaajassallugit.

Tamanna kommunimi pineqartuni ilinniartitsinissamut periarfissanik suliniutini, aammalu suliffeqarfiit tamakkuninnga suliaqartut nukittorsarneqarnissaat anguniarlugu aammalu suliffeqarfiit sulisussallu nutaat soqutiginnilersinniarlugit pineqartunut piaanissamut.

Kommunip OCD-mut ilaasortaanini aqqutigalugu suleqatigiissitat qinnuigisimavai suleqatigiissitanut ilaaqqullugit. Ilulissat Aasiaallu selskabimut ilaasortaapput aammalu Esbergimut tikeraarsimallutik, taanna Danmarkimi tamakkuninnga sulialinni siuttuuvoq, ilanngullugulu OCD Kalaallit Nunaata avannaanut tikeraarsimavoq paasissutissiiniarluni ataatsimiisitsisimalluni.

OCD nalunaaruteqarsimavoq marlunnik ilaasortaartitsinissamut kajumillutik, AMU vest-imi pisortaq taanna ilinniartitsinissamut ikiuussinnaalluni aammalu Esbergimi inuussutissarsiornermut ineriartortitsinermi pisortaq, taassuma immikkut ilisimasaqarfigalugu inuussutissarsiornermi suliniutit.

Kommune suleqatigiissitanut pingasunik toqqaasussaavoq, taakkua pisariaqartitsineq tungavigalugu inuit imaluunniit peqatigiiffiit immikkut ajornartorsiutinut paasiniagassanulluunniit suleqataasinnaasunik suleqataasinnaassallutik. Kommunalbestyrelsep ataatsimiinnerani suleqatigiissitaliami ilaasortassat kingulliit oqallisigineqarlutillu toqqarneqassapput. Suleqatigiissitanut pingaaruteqarpoq, ilaasortassat amerlasussaat aalajangersimassuuppata, taamaalilluni ataatsimiittarnissat aggingitsoornissamut nalunaarnernik imaluunniit kinguartiterinermik ajornartorsiortinneqassanngillat. Ilaasortat ikinnerit aamma politikikkut aalajangiinissamut tunngavissanik sukkanerusumik sulisinnaassapput.

Kommunalbestyrelsip ataatsimiinnissaanut tullermut suleqatigiissitassanik saqqummiussisoqassaaq, suleqatigiissitat sulinissanik siunertassaannillu, taasuma ataani politikerinut ingerlaavartumik nalunaaruteqartarnissaq.

Inassuteqaat

Kommunalbestyrelsi qinnuigineqarpoq suleqatigiissitaliap katitigaanera akuereqqullugu.

Tapiliussat:

Tapiliussaqaanngilaq.

Aalajangiussaq:

Kommunalbestyrelsep aalajangerpaa, suleqatigiissitaliaq misilittagartuuniit ilaneqassasoq, ass. s. Norge-miit. Qullersaqarfik pisinnaatinneqarpoq inissat sinnerisa inuttalersornissaannut.
--

Suliaq nr.	KOM 09-1063	Tapil.nr.a	003	Journal nr.	
Qulequtaq	Qattunerni isikkivigissuni aalakoornartutunnginnissamik inerteqqutitut siunnersuut				

Suliap saqqummiunnera:

Inuit Ataqtigii siunnersuuteqarput qattorngit Qaasuitsup kommuniani imigassartorfioqqusaajunnaar-nissaannik. Ajornartorsiut takutinneqarpoq, piffinni ilaatigut takornariaqartarnera, tamannalu kommuni-tsinnut takutitsinerlunnerulluni, aammalu imernej meeqqat isigisut pisarsimammat, meeqqallu takune-qartarsimallutik imernejartut sinnikuinik imertut.

Allaffeqarfimmiit naatsorsuutigineqarluni pineqartut qattorngit imaluunniit isikkiviit issiaartarfiusut matumuuna imatut oqaaseqaateqarfigineqassaaq.

Kommunalbestyrelsimi periarfissaqarpoq aalajangiissalluni, piffinni aalajangersimasuni imigassamik atueqqusinnginnissamik kissaateqarluni. Kisiannili massakkuugallartoq taamatut aalajangiinissamut periarfissaqanngilaq, malitsinneqarsinnaasumik (politiiniit). Taamatut piffinni aalajangersimasuni imigassamik atueqqusinnginnermik aalajangiineq, pisariaqarpoq politiit ileqqoreqqusaat tunngavigalugu aalajangerneqarnissaa, taakkualu suli aalajangivinneqanngillat. Atuutsilersinnaaneq aammalu politiit malitseqartinneqarnissaa politiit ileqqoreqqusaannik tunngaveqartariaqarluni.

Maannakkuugallartoq siunnersuutigineqarpoq suleriaaseq agguarneqassasoq, tassa atueqqusiunnaarneq marlungorlugu: siullermik kommunalbestyrelse tunngaviusumik aalajangiissaaq imigassamik atueqqusiunnaassanerluni imaluunniit naamik.

Kommunalbestyrelse tunngaviusumik aalajangiissagaluarpat, imigassamik atueqqusiunnaarnermik allo-riarneq tulliusaaq, allaffeqarfimmiit atueqqusiunnaarnermut malittarisassanik sanassalluni taakkualu kommunalbestyrelsimut aalajangivissorneqartussanngorlugit saqqummiunneqassallutik tamatumalu kinguneranik politimestereqarfirmut atuutilersinneqarnissaat nalunaarutigineqarnissaallu pillugu nassiunneqassallutik.

Atueqqusiunnaarissaaq politiit ileqqoreqqusaannik tunngaveqartussaammat, imaluunniit eqqortumik oqaatigalugu politiit ileqqoreqqusaannik allanguineqartussaammat taamatut suliaqarneq aamalu politikikkut suliarinera politiit ileqqoreqqusaannut utaqqininitariaqarluni.

Kommunalbestyrelsimut eqqarsaatissiissutissatut allaffeqarfimmiit politiit pisortaata qinnuigineqarsima-voq oqaaseqaateqaqullugu, atueqqusiunnaarsinnaarnermut tunngasunik. Tamatumunnga Janus Eigaard akissuteqarsimavoq, taannalu ilanngunneqarpoq.

Inassuteqaat

Kommunalbestyrelse qinnuigineqarpoq aalajangeeqqullugu tunngaviusumik kissaatiginiarne-garnersoq Qaasuitsup Kommuniani qattunerni isikkiveqartuni issiaartarfilersukkani aallakoornartunik imigassartortoqannginnissaannik inerteqqusiisoqassanersoq.

Tapiliussat:

1. Siunnersuut IA-miit, Bendt Kristiansen
2. Politiit pisortaata Janus Eigaard-ip oqaaseqaatai, Ilulissani Politeeqarfik.

Aalajangiussaq:

Kommunalbestyrelsep siunnersuutitut nassiussaq tunngaviusumik ilalerraa, siunnersuutigalugu-lu inerteqqusiinissamik suliniuteqarneq piaarnerpaamik naammassiniarneqassasoq.

Suliaq nr.	KOM 09-1064	Tapil.nr.a	004	Journal nr.	
Qulequtaq	Ammasarfiup sivikillinissaanik qinnuteqaat, Qasigiannguut.				

Suliap saqqummiunnera:

Kommunalbestyrelsi siorngatigut aalajangersimavoq immikkoortorta qarfiit ataasiakkaat nunaqarfiillu qinnuteqarsinnaasut allaffinni ammasarfiit 09.00-miit 15.00.mut ammasartut allanngortinneqarnissaanut periarfissamik.

Qasigiannguani immikkoortorta qarfik maanna qinnuteqarpoq, allaffiup ammasarnerata killilerneqarnissaanik 09.00-miit 14.00-mut. Immikkoortorta qarfimmiit piffissami sivisuumi marlup kingorna saaffiginnittartut nalunaarsorsimavai aammalu ullormut pineqarlutik inuit 1 2-usut. Allaffimmi pisariaqartuni atorfilinnik amigaateqarneq pissutaalluni pisariaqarpoq allaffissornermi suliasat eqqissilluni suliarineqartarnissaat, taamaattumillu qinnuteqarput ullormut nalunaaquttap akunneranik ataatsimik ammasarfiup sivikillineqarnissaanik. Inuttaasunik sullissinermi ajorseriaatitut isigineqanngilaq ullormut ammasarnerup nalunaaquttap akunneranik ataatsimik sivikillineqarnissaa, pissutaalluni piffissami pineqartumi inuit saaffiginnittartut ikinneri. Inuttaasut, qinnuteqaat akuerineqassappat, ilisimatinneqassapput tusagassiuutitigut aammalu illoqarfimmi allagarsiinikkut.

Inassuteqaat

Kommunalbestyrelse qinnuigineqarpoq qinnuteqaat aallaavigalugu ammasarfiup sivikillineqarnissaanik qinnuteqaat akuereqqullugu.

Tapiliussat:

1. Qinnuteqaat uppersaasigaq.

Aalajangiussaq:

Ilaasortat tamarmik akuersipput, demokraati minillugu. Siunissami suliataama ittut aningaasaqarnermut ataatsimiittitaliamiit aalajangiiffigineqartalissapput qullersaqarfiup inassuteqaasiornera naapertorlugu.

Suliaq nr.	KOM 09-1065	Tapil.nr.a	006	Journal nr.	
Qulequtaq	Sulinngiffeqarnissamik qinnuteqaat, Lars Erik Gabrielsen.				

Suliap saqqummiunnera:

Lars Erik Gabrielsen kommunalbestyrelsemit sulinerminiit sulinngiffeqarniarluni qinnuteqarpoq. Qinnuteqaammut pissutaatinnearpoq kombestimi sulinerminut piffissaaleqinini. Qinnuteqartumut taarsiulugu sinniussatut Leo Rosing iserpoq, taamaasillunilu qinnuteqartup ataatsimiittitaliani ilaasortaaffiit iserlunissaaq.

Qinersinermut inatsit 1996-meersumi ima allassimavoq:

§ 50. Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalingirmaasumik akuerineqassaaq.

Inassuteqaat

Kommunalbestyrelse qinnuteqaat aallaavigalugu qinnuigineqarpoq qinnuteqaat akuereqqullugu.

Tapiliussat:

2. Qinnuteqaat.

Aalajangiussaq:

Qinnuteqaat akuerineqarpoq.

Ilisimatitsissutit:

Sullissinermi isumaqatigiissutit, 2010.

Kommune aallarniutitut oqaloqatigiinnermi ilaasimavoq aammalu qanimut malinnaalluni. Namminersorlutik Oqartussat allakkani ullulerneqarsimasuni 29. juuni nalunaarsimapput, Namminersorlutik Oqartussat sulinermi isumaqatigiissutit pillugit neqeroorutit kinguartinneqassasut piareersarnermut piffissaqarnerunissartik kissaatigigamikku. Kisianni kommunip isumaqatigiissutissat pillugit oqaloqateqarnini suli ingerlappaa, aammalu piffissami kingullermi avannaani timmisartorneq pillugu kisitsisinik eqqortunik pisimalluni. Kisitsisit taakku soorunami oqaloqatigiinnissami tunngaviussapput.

Qaanaap Kullorsuullu akornganni VHF-mi attaveqarnek.

Kommune inuussutissarsiornermut pisortaqarfimmut oqaloqatiginnissimavoq piffimmi taaneqartumi VHF-kkut attaveqalernissaq pillugu. Takornariartitsisartut arlallit piffimmi attavilerneqarnissaanik pisariaqartitsisoqartoq nalunaarsimapput. Kommune nammineq aammalu DA aqutugalugu misiliiniarpoq Tele Greenland A/S piffimmi attavilerneqarnissamut ukiuni tulluuttuni piumasaqarluni.

Aningaasanik attartorneq.

Naalackersuisut pisortatigoortumik akuersissutaat 60 mio. Kr.-nik karsimi sillimmateqalernissamut maanna pineqarsimavoq. Pisortaqatigiit aningaaseriviit marluk attavigissavaat attartornissamut neqeroorusioqqullugit.

Naalackersuisunut ilaasortaq Jens B. Frederiksen ataatsimeeqateqarnek.

Ulloq 6. agusti ataatsimiinnermi makku eqqartorneqarput:

- Sanaartornermut aningaasaateqarfiup allaffissornikkut ingerlanneqarnera – inissiaqarnermut pilersaarut.
- Sanaartugassat – atuarfeqarnek – Atuarfik Mathias Storch, akuersissutit 47 mio. Kr. kisianni sananeqarnera 110 mio. Kr.nik akeqarpoq.
- Immikkut atuartitsineq, Namminersornermi Qullersaqarfiup pisussaaffia ininik amigaaateqalisaaq 2010-mi atuartut 12 – 15-nit
- Sanaartugassat, talittarfeqarnek, Aasianni Ilulissanilu ajornartorsiortoqarpoq.
- Sanaartugassat – qeqertarsuup tunuani uuliasiornermi suliffeqarfiit.
- Sanaartugassat – Ilulissani mittarfeqarfiup allilerneqarnissaa. Piffik kalaallit nunaanni ilasunik angallassinermi annertuunerpaamik atorneqalereerpoq, inuttaqassuseq eqqarsaatigalugu, aamma pissutaalluni takornariaqarnermik ingerlatsineq. Qularutissaanngitsumik kalaallit nunaata siunissaraa uuliasiorneq aatsitassarsiornerlu naak suli upperiuminaakkaluartoq, kisiannili pinngortitap alianaannersua, annertunerusumik qeqertarsuup tunuani takornariaqarnermi tupinnartuliaavoq. Isertitaqarfiusinnaasoq mittarfimmik nunanut allanut attaveqaataasumik pilersitsinikkut, Europeanuinaanngitsoq aammali Amerikamut niuernikkut ammaassissutaasinnaasoq.
- Sullissinermi isumaqatigiissutit - nunaqarfiit akornganni nunaqarfinnullu angallassinertit imaqaanngitsut, pissusissamisuumngitsumik Qaanaamut timmisartornerup ingerlanera, pissusissamisuumngitsumik Qasigiannugit, Aasiaat aamma Qeqertarsuup akornganni timmisartornerup ingerlanera – Aasiaat inissanik annertuumik tigusisarpoq.
- Inuusuttunut illoqarfinni efterskoleqarfiusuni tamani sammisassaqaartitsineq – Qasigiannugit – Ungdomsclubbit il. il.
- Aatsitassanik piiaaneq – pilersaarutit.

Ataatsimiinnermi oqaatsitigut ilisimatitsissutigineqassapput.

Mersortarfiup tuniniarneqarnera, Ilulissat

Bendt Kristiansen-ip Ilulissat Kommunerisimasaani Mersortarfiup tuniniarneqarnerata killiffia paaseruuppaa. Oqaluttuassartaraa aalajangiunneqarmat 2007-p naanerani mersortarfik illutaalu tuniniarneqassasoq, katillugit 2 mio. miss. Suliniutip immikkoortua siulleg, B-448-p tunineqarnera naammassereer-

poq, kinguneralugu isertitsissutigineqarmata kr.800.000.- miss. Tunisinerup immikkoortuata aappaa. Destination Disko piginneqatigiiffimmik pilersitsissasoq, siunertaralugu Avannaani assassorluni sulianik tunisassiornerup niivernerullu ataqatigiissaarnissaa, assigiingitsunik peqquteqarluni kinguaattoorpoq. Ilaatigut piginneqatigiiffiliassap pisortatigoortumik pappiliarsuutaanerata pissusissamisoortiniarnera kinguarsaataasimavoq, ilaatigullu ataqatigiissaarisussatut piginneqatigiiffiliassap pilersinnissaanut pilersaaruserneq aalajangiinnermut attuumassuserneqarmat, tassalu Avannaani takornariaqarnikut inuussutissarsiornikkullu piginneqatigiiffimmut, qanittumi aatsaat aallartittumut, Destination Avannaa A/S, ilaatinneqassasut. Ilimagisaasimavoq pigineqatigiiffik 2008-p qiteqqunneranili aallartinneqassasoq kommunalbestyrelsep tamarmiusup niiveriaatsimut pilersaarutit siunertassamullu siunnersuutit akuerereermagit.

Maanna killiffik tassaavoq, Mersortarfik attuumassuteqanngitsumut piginnaaneqartumullu nalilersorteerlugu, piaartumik pisortatigoortumik tuniniarneqassasoq. Piginneqatigiiffimmik pilersitsinissamut uppersaatit pisortatigoortut najugarisami inatsisilerituunit suliarineqalertuttorput kingorna DA-mi siulersuisunit akuerineqassallutik. Siulersuisut isumaqarunik kommunemiit tunisinissamut piffissarittaasoq naammanngitsoq, taava siulersuisut saaffiginnittariaqarput piffissaliussamik kinguartitsiumallutik. Mersortarfik ininut B-100-mi attartukkanut nuunneqarsimavoq, maannalu allaaserinerani avataani naatsorsuusiorneqartutut ingerlanneqassamaalerluni, soorlu Thilefonden-itut, inissiaateqarfittut immikkoortortatut, qimarnguittut il.il. Tamanna kommunep kukkunersuisuulu isumaqatigiissusiorfiusimavoq. Julip naanerani mersortarfik 200.000.- miss. sinneqartoorpoq, mersortarfiullu ininik attartornerit akissarsiaqartitsinerillu tamaasa isumagisarai. Piginneqatigiiffik pilersinneqarpat, taava piginneqatigiiffik 100 %-mik namminersortunngorsarneqassaaq, ajunngilaq sulisuusunit tunisassiorlut niiverutiginnittullu akuleriillutik piginneqatigiikkaluarunik. Ilisimatitsissutit ilanngunneqarpoq 2007-mi kommunalbestyrelsep ataatsimiinneranit imaqarniliaq, DD-miit oqallisisissiaq, aalajangiinnermut tunngavilersuutaasut.

Isumaginninnermut Attuumassuteqartunut ataatsimiittitaliamiit ilisimatitsineq.

Kommunalbestyrelsep sipaarniaqqusinertut siunnersuutaanut ataatsimiittitaliap allannguutiginiagai ilisimatitsissutit ilanngunneqarput aamma sumiiffinni tamani utoqqarnut innarluutilinnullu siunnersuisoqatigiinnik pilersitsisimaneq. Suliat marluusut kommunalbestyrelsemut aalajangiiffigisassanngortillugit saqummiunneqassapput.

Siunnersuutit tiguneqarsimasut:

Pisortatigoortumik aningaasaqarnermut ataatsimiititaliaq pisussaavoq kommunalbestyrelsimut oqaluuserisassanik akuersissuteqarnissamut. kommunimit Qaasuitsup Kommunianut ikaarsaareernerup kingorna misigineqartarsimavoq, ilaasortat, partiit kommunalbestyrelsip ataatsimiinissanut siunnersuutit nassiussatik oqaluuserisassanut ilannguneqarsimannginnerinut naammagittaalliortunik, tamatumunngalu piffissaq annertoq atorlugu oqallittoqartarluni ilisimatitsissutit ataanni.

Siunissami pitsaasumik sullissinissaq anguniarlugu, atorfilittanut tamakkuninnga politikikkut aalajangiinissamut suliaqarnermi pitsaasumik sullissinissaq anguniarlugu, aammalu siunnersuuteqartunut pitsaasumik sullissinissaq anguniarlugu, taakkua ilisimatinneqartassapput siunnersuutitik qanoq suliarineqarnersut aammalu suut tunngavigalugit aalajangiiffissanik tunngavissiorneqarnersut, siunissamilu aningaasaqarnermut ataatsimiititaliaq qinnuigineqartassaaq tulliani kommunalbestyrelsip ataatsimiinissanut oqaluuserisassat akuersissutigeqqullugit.

Kommunalbestyrelsimut ileqqoreqqusami piumasarineqartut, siunnersuutit ataatsimiinissaq ullunik 21-nik sioqqullugu tunniussisarnissamik saniatigut imaassinnaasarpoq siunnersuutitik allaffissornermi suliaqarnerni piffissaq sivisuneq atorneqartoq, kisiannili aamma siunnersuutit ataatsimiititaliani ataavartuni siullermik suliarineqartarlutik, aningaasaqarnermut ataatsimiititaliami imaluunniit kommunalbestyrelsimi nagataarutaasumik suliarineqartinnatik. Tamakku saniatigut imaassinnaasarpoq namminersorlutik oqartussaniit oqaaseqaatinik imaluunniit aalajangiinermik pissarsiniaqqaartoqartoq, tamannalu aamma piffissamik annertuumik sulianut sivitsorsaataasinnaasumik tiguisarpoq.

Borgmesterip allaffianiit aammalu pisortaqatigiinniit kissaataavoq, siunissami kommunalbestyrelsimut suut suliasatut ingerlanneqassanersut, aammalu siunnersuutit suliasallu suut ilisimatitsissutigineqassanersut, kisiannili aamma aalajangiinissamut immikkoortuni suut tunngavissaannginnerisut. Taakkua saniatigut pissusissamisuussaaq Pisortaqatigiit innersuussisinnaappata siunnersuutit suut ataatsimiititalianut aammalu taakkua allaffeqarfiinut ingerlatinneqassanersut, kingusinnerusukkut kommunalbestyrelsimi suliarineqartussanngorlugit, amerlanertigummi kommunalbestyrelsip ataatsimiititalianut ingerlateqqittarmagit aalajangiiffigineqartussanngorlugit. Taamaalilluni suliat ingerlanneqarnerimi piffissaq atorneqartoq sivikillissagaluarpoq.

Aningaasaqarnermut ataatsimiititaliap suleriaasissatut siunnersuut akuerisimavaa, siunissamilu ingerlanneqassaaq.

Atsiorfissaq: